



Broj: 05/2-50-13-28-22/15

Sarajevo, 20.10.2015.

Z A P I S N I K

22. sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 20.10.2015., s početkom u 11 sati.

Prisutni članovi Odbora za žalbe građana: Vjekoslav Vuković, predsjednik, Bakir Dautbašić, prvi zamjenik predsjednika, Borislav Radić, drugi zamjenik predsjednika, Tihomir Marinčić, Negotava Stjepanović, Aleksandra Martinović i Semir Šut.

Ostali prisutni: Veljko Lazić i Velimir Pržulj iz Granične policije BiH, Armin Kržalić iz Centra za sigurnosne studije (CSS), Alma Tajić-Kurto, sekretarka Odbora za žalbe građana, i Zoran Brkić iz Sektora za odnose s javnošću Sekretarijata Parlamentarne skupštine BiH.

Sjednicu je sazvao i njome predsjedavao Vjekoslav Vuković, predsjednik Odbora za žalbe građana.

Za sjednicu je predložen sljedeći

D N E V N I R E D

1. Usvajanje Zapisnika 21. sjednice Odbora za žalbe građana Parlamentarne skupštine BiH;
2. Razmatranje žalbe na rad policijskog službenika Granične policije BiH, broj: 05/2-50-17-70-43/15, od 17.8.2015., i Izvještaj Granične policije BiH o izvršenim preliminarim provjerama, broj: 17-07-34-7-2808/15, od 1.10.2015.;
3. Razmatranje Zahtjeva Granične policije BiH, broj: 17-07-34-4-3554/15, od 28.9.2015. (broj PSBiH: 05/2-50-19-1287/15, od 12.10.2015.) za izjašnjenje Odbora za žalbe građana u vezi s dopisom građanina J.N.;
4. Tekuća pitanja.

Predloženi dnevni red usvojen je jednoglasno, bez izmjena i dopuna.

Ad.1. Usvajanje Zapisnika 21. sjednice Odbora za žalbe građana Parlamentarne skupštine BiH

Primjedbe na Zapisnik 21. sjednice Odbora za žalbe građana Parlamentarne skupštine BiH imala je Aleksandra Martinović, i to na tačku Ad.3. c). Naime, istakla je da Odbor za žalbe

građana nije usvojio Izvještaj Granične policije za ovaj predmet, već je izjašnjenje o njemu odgođeno dok Granična policija BiH ne kompletira izvještaj dostavljanjem informacije o tome s kojom putnom ispravom je V.T. prešao državnu granicu narednog dana, kao i izvještaj nadležne policijske stanice o eventualnom ometanju javnog reda i mira.

Drugih primjedbi na Zapisnik 21. sjednice nije bilo.

Odbor za žalbe građana jednoglasno je usvojio Zapisnik 21. sjednice zajedno s primjedbom Aleksandre Martinović.

Ad.2. Razmatranje žalbe na rad policijskog službenika Granične policije BiH, broj: 05/2-50-17-70-43/15, od 17.8.2015., i Izvještaj Granične policije BiH o izvršenim preliminarnim provjerama, broj: 17-07-34-7-2808/15, od 1.10.2015.

Za izvjestioca u ovom predmetu određen je Bakir Dautbašić koji je prezentirao činjenice iz spisa i ujedno predložio usvajanje Izvještaja Granične policije BiH.

Izvještaj Granične policije BiH prezentirao je Velimir Pržulj.

Odbor za žalbe građana jednoglasno je usvojio Izvještaj Granične policije BiH o izvršenim preliminarnim provjerama, broj: 17-07-34-7-2808/15, od 1.10.2015.

Ad.3. Razmatranje Zahtjeva Granične policije BiH, broj: 17-07-34-4-3554/15, od 28.9.2015. (broj PSBiH: 05/2-50-19-1287/15, od 12.10.2015.) za izjašnjenje Odbora za žalbe građana u vezi s dopisom građanina J.N.

Nakon rasprave o ovoj tački dnevnog reda, Odbor za žalbe građana jednoglasno je usvojio sljedeći

Z A K L J U Č A K

Odbor za žalbe građana Parlamentarne skupštine BiH jednoglasno je zauzeo stav da se dopis građanina J.N., broj: 05/2-50-19-1287/15, ne prihvata kao žalba zbog toga što ukazuje na uopćenu pojavu i nije vezan za konkretan događaj i osobu.

Odbor za žalbe građana Parlamentarne skupštine BiH zauzeo je stav da žalba po svom sadržaju mora biti odredljiva u pogledu događaja ili niza događaja u kojima je pravo pojedinca povrijeđeno, pri čemu mora biti jasno šta se dogodilo, kada i gdje se radnja dogodila, na osnovu čega se može i utvrđivati odgovornost policijskih službenika.

U pogledu prijava građana koje po svom sadržaju nisu odredljive, odnosno koje u sebi sadrže samo indicije na određenu pojavu, Odbor za žalbe građana Parlamentarne skupštine BiH obavezuje Graničnu policiju BiH da o njima obavijesti Odbor za žalbe građana koji će zauzeti stav u pogledu vođenja preliminarnih provjera.

Ad.4. Tekuća pitanja:

U okviru ove tačke dnevnog reda Vjekoslav Vuković upoznao je prisutne da će projekat obilaska graničnih prijelaza Bosne i Hercegovine, koji podržava Ženevski centar za demokratsku kontrolu oružanih snaga (DCAF), biti realiziran uz podršku i učešće Centra za sigurnosne studije (CSS).

U vezi s tim, dogovoreno je da se projekat realizira do kraja 2015. godine, i to u dvije faze. U prvoj fazi bit će organizirane posjete graničnim prijelazima, dok bi u drugoj fazi trebao biti organiziran okrugli sto na kojem bi bili prezentirani rezultati posjeta.

Odbor za žalbe građana utvrdio je plan posjeta prema kojem bi posjeta i obilazak graničnih prijelaza koji su u regiji gradova Bihać i Bijeljina bila realizirana u periodu između 9. i 13.11.2015., a dok bi posjeta i obilazak graničnih prijelaza u regiji grada Trebinje bio realiziran između 23. i 27.11.2015.

Okvirno je dogovoreno da se okrugli sto organizira sredinom decembra 2015. godine.

Sjednica je završena u 12,20 sati.

Sekretar
Odbora za žalbe građana
Alma Tajić-Kurto

Predsjednik
Odbora za žalbe građana
dr. sc. Vjekoslav Vuković